

M. 4. Sup. 38 5
Z. 4. 1134 inv. 871 p. 6
COLLEGIUM

De

PROPAGANDA FIDE,

ὧς ἐν τύπῳ

ADUMBRATUM & DIGNISSIMIS
ECCLESiarUM REFORMATARUM
ANTISTITIBUS & SYNODIS
OBLATUM,

à

F. S.



HAMMONÆ

Typis BERNHARDI WOLPHARDT,
ANNO MDCLXVIII.



UNitatem esse individuum affectionem Entis quàm Ens est, apud Philosophos est notissimæ veritatis. Et ab Unitate discedi vel ad infinitum vel ad nihilum, eorundem pariter constans est traditio. Hinc quàm necessaria & pulchra in quovis Entis genere sit *ἑνότης*, cuius facile apparebit. In Politeia pacis interesse iudicat acris scriptor, omnium potestatem ad Unum conferri, & non aliud discordantis Patriæ remedium esse, quàm ut ab Uno regatur. In Ecclesia autem quàm illa sit necessaria & passim in divinis Scripturis legere est, & ipse Salvator speciatim edixit, dum illam Discipulatus sui tesseram nuncupavit; qui & sanctissimo ore suo politicum illud axioma adprobavit atq; regno suo adplicavit: Omne regnum inter se divisum desolabitur. Quibus convenienter Eximius quidam Theologus Unitatem seu Concordiam Christianam inter Notas veræ Ecclesiæ posuit, quod illis ingerendum, qui tam præfidenter quærunt: Quis Calvinianus illud signum (Dilectionem) quod certissimum divinißimumque est, inter Notas Ecclesiæ retulit?

Unitas autem hæc cùm gemina sit, Numerica & Specifica: illa quanto præstantior in politeia, ubi Dominatus obtinet, tantò deterior iudicanda erit in Ecclesia, in qua ille vetitus. Unitas igitur specifica, quando nimirum plures coeunt in Unum, Ecclesiæ convenientior, ubi tunc locum invenit Disciplina Fœderata. Rursum spectatur hæc Unitas vel in Theoria vel in Praxi. Quoad Theoriam, vix illa videtur possibilis in omnibus, suffecerit in fundamento, in quo quotquot conveniunt, inter sese quoque convenire debent: Unde jam resultat Unio Practica, quàm

omnia

*Tacitus l. i.
Annal. &
l. i. Histor.*

*Camerò de
Veris Eccle
sia Notis
p. 260.
Walēbur-
gij l. 8. de
Unitate
Ecclesiæ s.
4. p. 442.*

omnia membra corporis mystici, fide fundamenti unita, inter sese quoque Unum Cor & Una Anima esse debent, quamobrem Christus vel quinquies rogavit Patrem suum qui in coelis est. Hæc autem Unio Practica duo iterum involvit, Affectum mutuum & Effectum, quæ ambo Apostolus Christianis impingit ducto paralelo inter relationem corporis naturalis & mystici. Hæc duo quando concurrunt, exsurgit suavissima illa Communio Sanctorum, quæ in fidei articulum abiit, cum Ecclesia esset, si autem separentur, illa nomen tantum suum retinet. Utinam nunc, quam latè patet Ecclesiæ Reformatæ nomen, tam latè quoque pateret hæc unio! Accidens sanè veræ Ecclesiæ inseparabile! Verum hîc est quod doleamus, Ecclesias, quæ id nominis præ se ferunt, nullo ferè Unionis & Communionis glutinò inter sese cohærere. Si namque illas perlustres vel in Anglia, vel in Gallia, vel in Germania, vel in Pannonia vel Sabaudia, sibi invicem alienas comperies. Mala & incommoda indè orta recensere non attinet & nimis longum foret. Ubi rerum testimonia adsunt, non opus est verbis. Quis enim non planè obtusi pectoris, qui miserranda Exterminia, ut cum Afro scriptore loquar, Ecclesiarum in Sabaudia & Bohemia, veræ Religionis retrò traducum, huic defectui, humanitùs judicando, non imputat? Ne memorem calamitates aliarum Ecclesiarum in Palatinatu, Hibernia, Anglia, Gallia & alibi præteritas vel metuendas. Econtrà quis non miratur, Romanam Ecclesiam per aliquot annorum centurias vel hoc Unionis vinclo colligatam in suo statu & typho stetisse, & aliis immane quantum nocuisse, nec facilè, eò durante, collapsuram, nî Deus judicia sua extra ordinem impleat. Adhæc cum Deus nos in illa Tempora reservarit, ubi post exactum Reformationis sæculum & quod excurrit, Reformatæ Ecclesiæ eò Deformationis quoad mores & Luxatam Disciplinam prolapsæ sint, ut de corrupto Ecclesiæ statu ferè scribendum sit, & metuendum, ut res tandem in fœdum Libertinismum, sit desitura, nî maturè provideatur: Quæ cum sæpius animo obversarentur meo,

cogitabam mecum, annon pariter Medium aliquod adinveniri
 queat, quô & malo huic obviam iri & vinculum illud Commu-
 nionis nimis quàm Laxum artiùs adstringi, posset. Omnibus
 autem in timore Domini probè expensis, melius dispicere
 non potui, quàm si ad Exemplum Ecclesiæ sequioris inter Re-
 formatos quoque adornaretur Collegium aliquod de Propa-
 ganda Fide, quod curaret Ecclesiam eatenus ne quid illa detri-
 menti capiat. Illud autem institutum ne quis causetur esse *ἐκ τῶν*
ἀδυνατῶν, cogitet mecum, cum recepto jam Ecclesiæ more ha-
 beantur Conventus Ecclesiastici, qui Ecclesiarum Synodi vocan-
 tur, annon similiter tempore certò & constituto Synodus quæ-
 dam Universalis coire queat, quæ hoc sibi negotii datum crede-
 ret. Si namque olim habita fuerunt Concilia Generalia, & si
 in Concilio Basileensi constitutum fuit, ut vel decimo annò ha-
 beatur Concilium aliquod Universale, cur tale quid apud Refor-
 matos non posset fieri, præsertim cùm superiori seculò habita fue-
 rint Concilia Nationalia variarum Ecclesiarum sub Cruce gemen-
 tium, & præsens sæculum Nobis dederit illustre Exemplum Con-
 ciliî Dordraceni in Batavis habiti. Prout igitur Ecclesiæ cocundo
 in Classibus & Synodis particularibus haberi solitis, sortiuntur
 Potestatem Cumulativam; ita major illa omnino erit in ejusmo-
 di Conventu Universali, qui Ecclesia Universalis Repræsentati-
 va appositè dici poterit. Non dissimulabo, Statum sæcularem
 hîc fore difficilem & multa causaturum, quo præclarum hocce
 institutum præpediatur. Religio namque & pietas privata bona
 sunt, Reges eant quâ poterunt, vetus multorum est cantilena &
 maxima. Verumenimverò, quotquot ex illo Ordine probi sunt
 & pietatis sensu tanguntur, illi Ecclesiæ salutem pro suprema
 lege habebunt, & omnimodis procurabunt, ut vis ejus fortior
 evadat, præsertim quando illa comperietur laborare & periclitari,
 quod cumprimis per hanc unionem fieri poterit: Qui autem ex
 illis sunt prophani & ex communi miseria nonnisi auream messera
 sectantes; illi uti non sunt vera Ecclesiæ membra, nedum colu-
 mina,

mina, ita Augustini illud iis improprium erit: Intus Lupi, foras oves. Et utinam à talibus, qui nonnisi bestię Apocalypticę Ludiones & *ἐμπυροί* sunt, Ecclesia libera foret! Melius autem iis obsisti nequit, quàm Concordiâ Ecclesiasticorum, quę simul juncta vinci omnino non potest, teste Cyprianô Epist. 1. ad Cornelium. Quàm enim illa potis foret obviam ire omnibus illis remoris à carne & sæculo desumptis, nemo non videt. Concordia autem hæc per gradus tentanda & procuranda erit. Uniant sese prius Conventus Minores, deinde Majores cumulativè. Insinuent sibi mutuo pacta & decreta sua per Deputatos vel Missionarios Ecclesiasticos, Angli, Galli, Belgę, Germani, & ita deinceps Communicatio seu Correspondentia interteneatur.

Quod si quis objiciat ob *καλέχον* summarum Potestatum & Religione & Regione discordantium, huic Synodo vix locum dari posse, cogitet ille mecum, quod si veteres synodi sub Potestatibus Paganis, & recentiores Patrum ætate sub Magistratibus sibi maximè infestis coire potuerint: & sequior Ecclesia sub Imperio nunc diviso & scisso suos tamen Conventus, Communionem & Correspondentiam habere queat, annon hodieque, non obstante illo Discidiô, paria fieri possint. Vel enim Summus Rerum Arbiter flectet Corda Eorum, quę in manu sua habet, ad mitiora, & tunc Ecclesia suam habebit malaciam, sub qua commodum nidulari & convenire poterit: vel sinet eos cervicem erigere contra Christum suum, & tunc habebit persecutionem, sub qua & zelus flagrantior & vis ejus unita ob Antiperialin quasi fortior erit, ita ut per saxa, per ignes, hanc Communionem sit quęsitura, prout temporibus ejus difficillimis hoc observare licuit. Sed nec deerunt alii obstreperi ex Ordine Ecclesiastico, qui ciniffones aulę vel sublingiones culinę (qualia Ministerii carcinomata nunc plura in Magnatum Aulis reperiuntur;) Potestatibus succollabunt & obtendent: Institutum hocce Statui non fore conveniens & facilè motus causaturum. Verum-enimverò, credere Mundum humanis consiliis regi, si ille dixit,

subtilem esse Atheismum: Nos multò magis id de Ecclesia, quam tria pessum data non vanè prædixit Lutherus, 1. Oblivionem Beneficiorum Evangelicorum, 2. Securitatem Carnalem, 3. Sapientiam Mundi, quæ suis consiliis cuncta agere volet. Et si *σὺρραξις* hîc quædam metuenda, eveniet ea per Accidens, nempe uti pharmacum salutare sæpe non operatur absque gravi commotione, ob humorum intrinsecam *καχεξίαν*: ita si quid heic incommodi oborietur, id malo averruncando imputabitur. Vix enim aut rarò fieri solet, ut Christi Regnum propagetur absque contradictione & oppositione Maligni. Cùm autem Christiani omnia sua in charitate peragere debeant, huic si in tam gravi instituto locus quoque detur, locum non habebit suspicio ut lateat anguis in herba. Placentinis autem illis illud Christi oggerendum erit: Qui non est mecum, est contra me, & qui non colligit mecum, dispergit. Cùm Vir Celeberrimus Hugo Grotius passim contra Cl. Rivetum urgeret exsortem illam Potestatem & *ὑπεροχὴν* Ecclesiasticam ceu Remedium Schismaticum in Ecclesia, Rivetus postquam ostendisset quàm inane hoc sit remedium, utpote cùm nusquam fuerint periculiosiora Schismata quàm in illa Ecclesia, quæ hanc sibi usurpavit potestatem, quæ totam Europam sæpe diviserunt, & tandem Ecclesias Orientales ab Occidentalibus; benè tamen subjecit, Schismata caveri posse, si in unaquaque Ecclesia plebs suo Præposito & Presbyterio obediat: si sit inter Ecclesias Communio & Communicatio, per cœtus Ecclesiasticos optimè constitutos. Quod multis in locis, inquit, post Reformationem experti sumus utilissimum remedium adversus *ὑπεροχὴν* & ambitionem. Quod si in minori parte obtinet, cur non in majori? Erunt tandem & pii aliqui, qui rei insolentiâ perculsi absterrebuntur. Verùm illi confirmandi erunt, & monendi ut apud conscientiam suam probè expendant, quid Spiritus S. interminetur timidis. Erigendi erunt cum Israelitis trepidantibus: State & videte Salutem Jehovæ! Nihil tam difficile est quod non cedat, si aggrediare, præsertim in causa Dei. Oculi igitur nostri ad Te Domi-

Luc. 11.

Vide Grotium Annot. in Cōsul. Cas- sand. art. 7 & Rivet. in Ani- madvers: Apoc. 2. Apoc. 21. Exod. 14.

7

Domine ! Eâ fini juvabit edicere jejunia & Rogationes, edocere populum ex ambone de Bono hujus Communionis auro contrâ non caræ, ut ita via Domino paretur. Ego, qui probè scio, quàm exiguum illud sit, quod in me est ingenii, & qui ad structuram hujus Tabernaculi aurum & inaures adferre nequeo, pellium, & si quid vilius illis, oblatione contentus, linenamenta quædam hujus Collegii de Propaganda Fide ducere volui, & Veteranis Theologis, præsertim Reverendis Ecclesiarum Synodis & Episcopis exhibere, additâ obtestatione per Christi Amorem & Sanctorum Communionem, ut illa pro sua Prudentia Ecclesiastica ad umbilicum perducere & absolvere velint. Dùm enim alii peregrinantur, Ephraïmo Judæ conciliando, & scissuræ Ecclesiarum Protestantium redintegrandæ, ut essent tanquam chorea duorum castrorum, ad unam Regulam tanquam ad unius tubicinis modulos uniformiter incedentium, etsi frustra hætenus & irrito conatu: Ego hanc operam Ecclesiæ longè utiliore navandam esse censui, indubius illam non fore inanem in Domino. Ut autem satis præfatus rem ipsam aggrediar, distinctè agam, & Collegium hocce considerabo vel quoad suum Subjectum, vel quoad suum Objectum.

Cant. 7. 1.

Quoad prius, Ejus Natura & origo Aphorismis aliquot comprehendenda erit.

Cum igitur. 1. quodlibet corpus ad sui conservationem & propagationem suo pte propendeat, multò magis hoc mysticum eò propendebit: Unde ex Natura Ecclesiæ exsurgit Cura semet conservandi & propagandi.

2. Cùm & quodlibet corpus consistat in nexû & subministratione, multò magis hoc mysticum. Unde resultat *συνοδικότης* Fidelium & Communio Sanctorum.

Coloss. 2.

3. Hæc Communio fundat Medium *ἐκκλησιαστικόν*, quod est Concilium vel Collegium de Fide propaganda & conservanda.

4. Tale Institutum cum nata Ecclesia surrexisse constat ex Actis Apostolorum, quæ memorant & *κοινωνίαν* Christianorum, & Synodum Oecumenicam, obortò gravamine.

Act. 2. 8.
15.

5. Hinc.

5. Hinc porrò Communio Sanctorum in Fidei articulum abiit, & quidem tali ordine, ut articulum de Ecclesia, tanquam essenziale consecutivum, in Symbolo subsequeretur.

6. Hujus *ἡμετέρας* tempore Tertulliani erant: Communicatio Pacis, Appellatio Fraternitatis & Contesseratio Hospitalitatis, ut patet ex Libro ejus de Præscriptionibus.

7. In Ecclesia insequuta & florentiori illa intertenebatur per Apocrisarios, Nominibus Episcoporum in fide concordium, ascriptis in dypticis, & ultro citroque missis Encyclicis, communicatoriis, formatis & Epistolis Synodalibus tanquam Symbolis & tesseris charitatis & *ὁμοφύχτας* in fide, testibus Optato Milevitano lib. 2. c. 7. & Evagrio lib. 3. c. 33. Unde totum illud corpus per totum terrarum orbem diffusum, formatarum commerciò coherbat, non alia in re magis ad miraculum usque se exferente Christianorum Veterum prudentiâ, cui post Deum immortalem accepto ferendum est, quod Ecclesia adhuc aliquid sui vultûs retinet, inquit H. Grotius Epist. 148. ad Johannem Cordesium. Videantur & Excerpta ex Actis generalis 8. Synodi, quæ Ferrariæ incepta Ann. 1458. peracta autem Florentiæ Tempore Eugenii Papæ 4. sub finem.

8. In Ecclesia prolapsa illa fuit devoluta ad Nutum Unius Dominantis. Unde Communio ab Uno & ad Unum.

9. Unde deinceps Romæ institutum fuit famosissimum illud Collegium de Propaganda fide, fulcrum aut vinculum Papatus, aut genuinum mysterium Iniquitatis, cujus abdita nemo unquam mortalium penetrabit.

10. Huic præcipuè opponendum erit tanquam Antidotum, hocce quod meditamur Collegium, quodque naturali pulcritudine exsurgit è Synodo Universali Ecclesiarum Reformatarum, institutum adeò necessarium ob insignia emolumenta inde oritur, ut mirum sit, imò dolendum, Reformatos de eo maturiùs non cogitasse.

Et hæc quoad ejus subjectum *ὡς ἐν τύπῳ*. Sequitur nunc
Objec-

5

Objectum, quod est Fides conservanda & Propaganda, unde Salus Ecclesiæ.

Id pariter aliquot Aphorismis complectendum erit.

1. Unio Reformatorum inter sese arctior, subnixa Confessionum Harmoniâ, quæ adornari & Catholicè approbari debet, ut ita unanimen fidei Catholicismum habeamus. Neque abs re foret, quædam explanatiùs tradi juxta Mentem Reformatorum Catholicam, & quoad determinationem Fundamentalium, vexatissimam sane hodie Quæstionem, quæ tamen basis est omnis Concordiæ Christianæ, cum rectum sit index obliqui, teste Philosopho: & Ecclesiæ Eutaxian, quò primi Reformatores non videntur adeò respexisse, neque potuere in tam arduo inceptu, nunc autem posterior ætas ex illo neglectu valde sese impeditam sensit, & ob animorum quorundam *συνπαθήν* in detrimentum Ecclesiæ vergentem indoluit, ne dicam quod vix Papatu uno ejurato, alius surrexerit Ecclesiarum Ordini & Libertati æque gravis utpote per Ministerii exauetorationem ad Morum Libertinismum plenis velis tendens.

2. Unio Reformatorum cum aliis ex capite Consensus hujus Fundamentalis, quæ feliciter procedet ob vim Unitam & Consensum Catholicum Reformatorum pluris deinde æstimandum. Absque hac enim Unione prævia omnis labos & Conatus syncretisticus frustra erit, quantopere etiam curratur ac sudetur, uti experientia comprobatur.

3. Unio non tantum Ecclesiastica, sed etiam Politica, quæ illi inædificari debet. Omnis enim Politia est propter Ecclesiam, & salus Ecclesiæ suprema lex esse debet. Hæc juncta medium erit *ἰμπατικώτερον* & conservandi & propagandi fidem, prout sub Initia Reformationis observare datum fuit. Nullum enim potentius vinculum Religione. Et Concordiâ tunc res parvæ crevère, quæ nunc Discordiâ dilabuntur. Et semper illa formidabilis foret in-

B .

dum accuratè definire. Quod quidem negotium non levis operæ est in tanto opinionum conflictu quæ super hoc argumento reperiuntur, dum latius alij, alij contra-ctius hic agendum opinantur.

*Et hic sese
exerere de-
bet Spiritus
ille discipli-
næ, volē-
te Spanhe-
mio, Orat.
Inaugu-
ral. p. 35.
qui inter
prima
Theologi
decora est,
ut habeat
ἀνδραγαθία
γυμνασ-
μένα, &
norit dis-
cernere
pretiosum
à vili, nec
dogmatū
solum ve-
ritatem,
sed etiam
Necessita-
tem, immò
& necessi-
tatis singu-
lorū gra-
de.*

solescentibus Adversariis. Verum certè Antidotum & sufflumen Sanctæ illius scil. Ligæ, in Perniciem Protestantium semper paratæ. Deus modò ne impleat auguria quæ in tristi mente! Utinam saperent & intelligerent illi Antistites Protestantium, qui Lucro Deo litant & sæpe ob Lucellum aliquod periturum in partes eunt, summò Adversariorum jubilo & Rei Reformatæ probro, imò detrimento. Protestantium sanè esset Principum, vitare bella omnia, quod inter eos faciliè fieri potest mutuâ concessione, aut veniendo ad Arbitros, quod ad minus incommodum, id est, ad lites incruentas vitandas fieri vult Paulus. Qui in ea re æquas condiciones repudiabit, is jam nomine, non re erit Christianus. Qui autem Christi & Ecclesiæ causâ aliquid de suo cedit, is nihil veri honoris ex eo perdet. Et in hac potissimum re quicquid fieri potest, id experiri debent Ecclesiarum Præsides, Pacis præcones, non bellorum concitores.

4. Erectio Ærarii Ecclesiastici, quod semper fuit in Ecclesia sive Veteris sive N. Testamenti. In illo enim præter Decimas fuit sclus Sanctuarii; In hoc, tempore Christi erat commune *γλωσσόκομον*, tempore Apostolorum autem, Deposita ad Eorum pedes in Actis: item Agapæ apud Judam, quæ diu manserunt in Ecclesia: Ætate Tertulliani erat Arcæ genus, in qua recondebantur Deposita pietatis, uti illa appellat c. 39. Apologet. Cypriani sumptus Ecclesiæ Epist. 10. Gregorii Argentum Ecclesiæ depositum in Ceimiliarcho l. 10. Epist. 47. Quod Ærarium pro Ecclesiæ incremento & exigentia increfcere debuit, unde Bona Ecclesiastica, quæ Facultates Ecclesiæ in Ecclesia Labente, & quidem Tempore Ludovici Imperatoris adpellabantur. Hæc sacris Usibus destinata ut in sacros usus conferantur, & justitiæ & conscientiæ interest. Sin, res aliis mediis, vel per ultimæ voluntatis Tabulas, vel per censum, qui quasi erit contributio Ecclesiastica & Deposito Pietatis, faciliè refarciri poterit. Utinam hominum Principum præcipuè, quos hæc cura propius tangit, superflua huc conferantur, quæ tam inutiliter sæpe à fucis & fruges consumere natis prodigun-

II
diguntur. Pessimè autem officium hoc implent Principes ii, qui
ea, quæ olim Deo, id est, piis usibus data sunt, ad suos & quidem
profanissimos sæpe Usus vertunt, hoc obtentu, quod nimis multa
possideant Episcopi. Si nimium multa habent Episcopi, detur quod
superest Presbyteris & Diaconis: Detur Ecclesiis ædificandis aut in-
staurandis: Detur pauperibus popularibus: & si ei desint, exter-
nis, sicut olim ab Achaia & Macedonia missæ sunt in Judæam pec-
uniæ: redimantur qui apud Barbaros sunt captivi, quam ob cau-
sam multi Episcopi vasa Ecclesiæ, etiam jam consecrata vendidêre,
quidam semetipsos dedêre pignori. Miror non terreri eos qui
Vetus Testamentum legunt, Achanis, qui Novum, Ananiæ ex-
emplo. Hæc vel præcipua causa est, cur tamdiu bella durent, non
tantum quia propter ista utrimque bellatur, verum etiam, quia
Deus contemptum sui sic ulciscitur, verba sunt H. Grotii ad artic. 16.
Cassandri, quæ Rivetus in Animadversione sua non improbat.

§. Necessarium autem hoc erit ærarium, ne quis Nobis *φιλαρ-
γυγλαν* & *χριστοκάπηλον* cum Nazianzeno objiciat, ad Ecclesias &
Scholas

1. Honestè sustentandas, ne ministerium sacrum per paupe-
riem vilescat, & energieam suam exserere nequeat, quæ Politico-
rum plerorumque hodie maxima esse videtur. Ea enim est Mundi
ingratitude, inquit alibi Calvinus, ut de fovendis verbi Ministris
non multum sit sollicitus: Et Satan hac arte tentat doctrinâ privare
Ecclesiam, dum inopiæ & famis metu plurimos absterret, ne id
oneris suscipiant. Hinc non exiguus defectus eorum reperitur,
qui curam Animarum gerere debent, ut non immeritò gravissi-
mus quidam Theologus conquestus fuerit, Baal habere suos cen-
tenos Prophetas, Deum verò Israël, unicum duntaxat Eliam. *Perkins, Tract. de*
Et hæc sæpe causa, quod Pastores animarum *ἀνδρωπάρησκοι* & ob- *Officiis*
noxii esse debeant, dum Ministerium exit in Mercimonium, & *Minist.*
contractum non nominatum: Do, ut des. Adeo aut favor aut
nummus Ecclesiasticas hodie Vocationes faciunt & inficiunt, Si-
monia omnia ingenuis pudenda.

Act. 16.

Perkins.
 Tract. de
 Officiis
 Ministr.
 p. 19.

(2.) Plantandas, iis præsertim in locis, ubi Satanae Thronus est, in quibus Benignus Deus, Janô nunc clauso, videtur ostium aperire, & unde Vir Macedonius acclamat: Descende ad Nos & juva. Hic certè culpanda venit socordia imò Timiditas Reformatorum, si præsertim exemplum aliorum contuemur, qui mare ter-
 ralque peragrant, ut proselitos faciant. Turca nullis parcat labori-
 bus, sumptibus nullis, quibus teneros Christianorum Liberos im-
 pura sua & abominandâ superstitione inficere possit. Papa & ipsius
 mancipia Jesuitæ potissimum omnia tentant, plurima excogitant
 stratagemata, nullis parcent sumptibus, laboribus nullis, quibus
 juvenes & acerrima ingenia irretire & seducere queant. Profectò
 eorum cura admirabilis est, sunt Verba ejusdem Theologi. Lega-
 tur cum cura & timore, quid Deus meticulosus & frigidus in Verbo
 suo interminetur.

(3.) Erigenda Collegia & Seminaria, in quibus honestè ali
 & exerceri possunt, qui in spem Ecclesiæ & Reipublicæ educantur.
 Item Liberi Honoratiorum ad egestatem prolapsi, & Conversi ad
 Fidem, qui sua Christo postposuerunt, cujus honestæ sustentatio-
 nis defectus non tantum multorum detinet conversionem, sed &
 plurium urget defectionem. Homines quippe constant carne &
 sanguine, quicum Luctantur, & sæpius eligunt Veritatem in inju-
 stitia detinere, quàm turpi fame perire. Et sanè, eccui hodie
 volupe, sese addicere tali Religioni quâ homines Politici saginan-
 tur, & ad instar Belzararis ex Bonis Ecclesiasticis malè usurpatis de-
 liciantur, cæteris tabescentibus & sub illorum jugo cum gemitu a-
 gentibus. Ex illis seminariis jam desumi poterunt idonea quæque
 subjecta & organa ad opus Domini vel in Ecclesia vel in Republica
 peragendum. Hinc Missionarii quoque nobis suppetent si non
 Apostolici, saltim Ecclesiastici ad Christum prædicandum, ubi ad-
 huc ignotus est.

(4.) Ad Communionem Sanctorum cum Exoticis Ecclesiis
 colendam, & pressas quantum pote sublevandum, qui articulus ho-
 die nominatenus tantum creditur, dum quilibet quærit suum, &
 Magna

Magnates ferè agunt ad morem tranquillorum Tzione, de quibus
Deus conqueritur apud Prophetam Amos. Quàm flagrans au- *cap. 6.*
tem & fraterna hæc Communio fuerit apud primævos Christianos,
vel ipsa hostium Invidia testari coacta fuit, ut videre est in Scriptis
Apologeticis Tertulliani, Arnobii, Minutii &c. contra Gentes.
Divina sanè sunt hujus Verba in Octavio: Nos denique (inquit ad
hominem Ethnicum) non notaculo corporis, ut putatis, sed in-
nocentiæ ac modestiæ signo facilè dignoscimus. Sic inutuo, quod
doletis, amore diligimus, quoniam odiſſe non novimus. Sic nos,
quod invidetis, Fratres vocamus, ut unius Dei parentis omnes
ut consortes fidei, ut ſpei cohæredes.

6. Disciplina Ecclesiastica, sine qua sacrum Ministerium
nonniſi Nomen eſt, imò Ludibrium ſæpius. Tam autem propri-
um & Inſeparabile ejus Accidens eſt, ut verbum ſit Disciplina in
actu ſignato, Disciplina autem Verbum in actu exercito. Hujus
ſuſpenſionem ſeptennalem plus damni attuliſſe Eccleſiæ, quam 40.
annis poſſit reſarciri, calente adhuc Reformatione, queſtus fuit
& indoluit Lutherus. Et quantopere ejus Neceſſitatem agnove-
rint Calvinus & Beza, paſſim in ſcriptis eorum videre eſt, ne dicam de
Praxi quam ſumma animi contentione urſere in Eccleſia Gene-
venſi, de quo videndi Beza in Vita Calvini & Author Celeberrimus
Genevæ Reſtitutæ p. 91. 92. Hæc cùm jam Antiſtitum ſocordiã
vel diſcordiã fœdè ſit collapſa, omnimodis inſtauranda erit, &
clavium Exercitium Ligando & ſolvendò, adhibendum, cujus
omiffionem Adverſarii & à læva & à dextra Reformatiſ expro-
brant, uti ex ſcriptis Socinianorum & Pontificiorum ſatis notum eſt.
Videatur Cl. V. Johan. Hoornbeckii Theologia Practica lib. 9. c. 28.
Ridetur Confeſſio privata, & negligitur publica, cujus tamen be-
neficiò Vetus Eccleſia edecumatos Chriſtianos, quales tantùm
habere voluit, vel invenit vel fecit. Ubi nunc Pœnitentia Vete-
rum, & notiſſimi illi Pœnitentium gradus? ſola rei idea in Vete-
rum libris ſuper eſt, inquit Theologus quidam inſignis. Ubi Re-
ligio? Ubi veneratio majoribus debita à Vobis? Habitû, victû, *Dallam de*
vero Uſu
Patrum l.
instru- 2. c. 6.

instructu, ipso denique sermone proavis renunciaſtis. Laudatis
semper Antiquitatem & novè de die vivitis. Per quod ostenditur,
dùm à bonis Majorum institutis deceditis, ea Vos retinere & cu-
stodire quæ non debuistis, cùm quæ debuistis, non custodistis,
fas mihi hîc loqui cum Tertulliano, & exprobare. Unde Ludi-
brium mortalibus debent, qui adhuc Apologias & triumphos pro
Ecclesiis Reformatis scribunt, Threnos & Lamentationes potius
de illarum Deformatione conscribere deberent. Et sanè an hic se
& suos Auditores salvare queant, qui ab omni Excommunicatione
abhorrent vel abſtinent, vel metu, vel placendi studiò, meritò
ambigendum. Quis nostrum non quotidie ob hanc remissionem
Disciplinæ excrucietur, quod Fratres & Collegæ primarii adeo nul-
lam admittunt disciplinæ non dico severitatem, necessariam tamen
mediocritatem ut in Papatu factum est: ita plerique hominibus
prospectum volunt non Ecclesiis: & Ecclesiarum damnis, avertere
damna impiorum Collegarum putant humanum. Cum etiam tot
malis non desint Patroni, propter Ecclesiam nolunt in offensionem
incurrere potentum & gratiosorum hominum, conquestus Mode-
ratissimus Bucerus Epistolâ ad Calvinum 72. Nulla autem causa est,
quæ magis faciat Dispensatorem Dei pigriorem ad arguendos con-
tradicientes, quàm timor verbi asperi. Dum enim timemus detracti-
ones, irrisiones & opprobria hominum superbiorum, dumque ab
eis in terrena substantia metuiamus prægravari, timentes perdere
temporalia, minus quam oportet, prædicamus æterna. Et ideò,
dum per illorum nequitiam aliquid mundanum perdere formida-
mus, peccatorum illorum vulnera medicamentis spiritalibus curare
negligimus. Unde timendum est, ne & pro nobis & pro illis, qui-
bus præ amore terrenarum rerum non loquimur, rationem in die
judicii reddere compellamur, verè dixit Augustinus Homiliâ 7.
super verbis Esaïæ, Clama, ne cesses. Quare autem alios inviti
corripiamus, egregiè detexit Gravissimus Theologus P. Martyr in 1.
Samuel. c. 2. Etenim homo, inquit, est animal sociabile, itaque
ferè semper veretur, ne si alium arguat aut liberius moneat, societate
indi-

indignus habeatur, neve homo *αὐτομαθὴς* aut furiosus appelletur. Tales enim existimantur, qui liberè ac verè loqui solent. Idque Prophetis maximè usuveniebat, ut hominum vitia dum reprehenderent, à plerisque furiosi haberentur. Sic enim Principes Exercitus de discipulo Elisæi percontati sunt Jehû: Quid venit insanus iste ad Te? Verissimè porrò à Comico dictum constat, veritatem odium parere. Sic etiam Paulus ad Galat. dixit. Num inimicus Vobis factus sum, verum dicens? Noluit itaque odiosam provinciam Eli suscipere, sed instar boni Mitionis in corrigendis filiis egit. Adulatio placet omnibus verbaque mollia facilè ac citra stomachum audiuntur. Et porrò. Gravissimum itaque illius onus est, qui omnes ex æquo instituit coarguere ac nemini parcere. Sunt quippe homines admodum veritatis impatientes, cum ipsam nullo modo aut ferre aut audire queant, nisi delicatè ac magno artificio condia-
tur. Proptereà laus Horatio inprimis tributa est, quod vitia ridenti amico indicare posset, & circum ejus præcordia ludere. At si quis candidè atque apertè velit agere, non effugiet, quin odium & quidem gravissimum incurrat. Neque hodie alia de causa in aulas Principum fatui & moriores adducuntur, nisi, quod alii propemodum omnes Principibus adulantur, stulti verò soli, si quid liberiùs dixerint, utcunque feruntur. Hæc tamen fratribus admonendis cautio adhibenda est, ut ne quid odio aut invidia inducti videamur dicere. Nemo quippe facilè fert, vel ab inimico vel ab invidio se reprehendi. Quocirca Ecclesiis dari non debet pastor, qui populo sit invisus. Quoniam apud eum nihil unquam docendo proficiet. Addam adhuc insignem locum Bucerii, quò ostendit quàm necessaria sit hæc Disciplina Ecclesiastica. Ita autem ille in cap. 1. Roman. v. 5. Per quem accepimus gratiam & Apostolatum ad obedientiam fidei: Depravati sumus & ad ea semper quæ non decent, propendimus: perpetuò igitur Dei vocem audiamus, & sequamur necesse est. Hinc Dominus in Ecclesia voluit semper doctrinam & exhortationes administrari, cum publicè tum privatim, & Ecclesiæ non auscultantem, eum ejici, & haberi ut Eth-
nicum

nicum & publicanum. Quod hominum genus, Judæis profanum erat, & si per se non inhonestum esset, nec regno Christi excludendum, si se intra eas leges contineat, quas illis Joānes præscripsit. Proinde cum tam nulla hodie supersit inter eos, qui se Christi esse jactitant, Evangelii autoritas, cum habentur adeò contemptim Verbi Administri, & Satanæ sui conatus in infamandis his & dejiciendis tam succedunt, eoque res nostræ reciderunt, ut olim habebant apud Israel, cum de eis Hosea queretur: Nemo alterum objurgat neque corripit, & populus tuus omnino ii sunt qui litigant cum Sacerdote. Hujus enim munus erat docere, monere, corrumpere, & que depravata sunt corrigere, quod illi non solum non excipiebant obedienter, sed contra etiam rixabantur cum Sacerdotibus. His nostri pro dolor jam similes facti sunt, si eos non superarunt, id quod vel proverbium illud testatur: Hoc faciam quicquid dicat Sacerdos. Ut autem verum fateamur, istuc plurimum nostro vitio accidit, qui sacerdotio fungimur, cum non eo studio & zelo Domini negotio intenti sumus, quo oportebat, nec etiam Spiritui Christi nos totos permittimus, nimium sæpe nostris indulgentes affectibus, rari frigidique in precibus, quibus & facultas & ratio, denique & dignus zelus, ritè nostrum munus obeundi impetranda erant. Jam sicut nulla civitas, nullum regnum rectè habere potest, ubi jacent leges, & magistratibus justa præcipientibus nulla est autoritas, ita nimium manifestum est, regnum Christi, quo nihil est dispositum melius, nihil constitutum rectius, apud nos nondum obtinere, dum impudenter adeò contemnuntur ea monita, quæ tamen fatemur esse Dei, esse Christi, esse salvifica. Nos itaque quos horum jussorum Dominus fecit ministros, summo annitatur studio implorare semper ejus Spiritum, ne nostra culpa vilescat verbum Dei. Reliqui cogitent se Deum contemnere & rejicere, in quocunque contempserint & rejecerint rectè monita: eoque in primis id dispiciant, dum corriguntur, dum objurgantur, num verè & volente Deo ita corrigi objurgarique debeant: ut sacrosanctam Apostolus voluerit esse presbyterorum in Ecclesia autoritatem, sed simul ipsorum etiam

etiam in tuenda hac sedulitate, cum aliàs, tum in Epist. ad Timoth. multis sanè declaravit. Domine Jesu conjunge, unique nos in te, fac abnegemus nosipso penitus, resipiscentiæ in nobis studium accende, ut qui moneri nunquam non necesse habemus, id invicem nobis in tuo Nomine & administremus & excipiamus, eo animo, ea religione, ut indies deprimatur magis in nobis, quod tu averfaris, emergat & vigeat, quod probas. Nam sine solida Evangelii obedientia, sine plena nostri ad Tuum verbum subjectione, tui esse haud possumus! Rectè sanè, nam absq; hac Disciplina, Ecclesia suam Definitionem sustinere nequit, quicquid dicatur. Probè id vidit & advertit Tertullianus de Præscriptionibus, ubi ita c. 43. Adeò & de genere conversationis qualitas fidei æstimari potest: doctrinæ index Disciplina est. Negant Deum timendum. Itaque libera sunt illis omnia & soluta. Ubi autem Deus non timetur, nisi ubi non est? Ubi Deus non est, nec veritas ulla est. Ubi veritas nulla est, meritò & talis disciplina est. At ubi Deus, ibi metus in Deum, qui est initium sapientiæ. Ubi metus in Deum, ibi gravitas honesta, & diligentia adtonita, & cura sollicita, & adlectio explorata, & communicatio deliberata, promotio emerita, & subiectio religiosa, & apparitio devota, & processio modesta, & Ecclesia unita, & Dei omnia. Et c. 44. Proinde hæc apud Nos testimonia Disciplinae ad probationem Veritatis accedunt: à qua devertere nemini expedit, qui meminerit futuri judicii: quo omnes nos necesse est apud Christi tribunal astare, reddentes rationem, inprimis ipsius fidei. Exsint igitur illi Pseudo-Fratres & Theologi gloriæ, qui ut Magnatibus blandiantur, quamvis pessimè consulant, & retitantùm suo sacrificent, iis persuasum volunt, se & extra & supra Ecclesiæ Censuram esse, ac si in Eos caderet *ἀνομία* ille quem Apostolus indigetat; cum tamen Ecclesia illis, melioribus sui Temporibus, carere potuerit, & Christi Ecclesiæ hæc sit conditio, non ut censeatur Dignitate Politicâ, nec quisquam ad eam ideò pertineat, quòd Magistratus sit aut Rex, qui quatenus Ecclesiæ, hoc est, Christi membrum est, hætenus quidem eadem conditione est, quâ contemptissimus quisque, sunt enim veri Levitæ omnes iidem

2. Tess. 2.

Primogeniti censente Eximiô Theologô Johanne Camerone Tract:
 Quæst: in Epist. ad Hebræ: c. 7. v. 1. Quod & ipse Imperatorum
 Laudatissimus Theodosius probè intellexit, unde in majori Felicita-
 tis suæ parte posuisse legitur, quod Ecclesiæ Catholicæ Membrum es-
 set quàm Imperator Romanus. Et ita Ecclesia quæ Vetus quæ recens
 semper in Confessione & Praxi sua judicavit. Poterunt Reges &
 Principes, inquit alibi Rivetus, qui sub nostra Disciplina vixerunt,
 testari, eodem modo hac in parte cum iis actum fuisse, quo cum an-
 cillis. Quamvis ei, cui debetur, honorem exhibeamus, tamen nihil
 obstat, quominus procuremus, ut homines, cujuscunque dignitatis
 fuerint, gloriam Dei promoveant. Ejusmodi personarum accepti-
 ones ac assentationes (NB.) Jesuitis similibusque sunt propriæ, qui
 Magnatibus in suis peccatis blandientes, abjectos tantùm allatrant,
 Quid autem hîc & quantum debeatur Deo, quid autem Cæsari, di-
 stinctè juvat nosse, idque non ex privatis Theologorum placitis, quæ
 variant, & sæpius contra Mentem Authorum torquentur, quâ culpâ
 non caret Eruditissimus Author Paræneseos ad Ædificatores Impe-
 rii in Imperio, quod alibi, faciente Deo, demonstrabitur, sed ex pu-
 blicis Ecclesiarum Confessionibus, quarum Specimen exhibet Claris-
 simus Theologus Anthonius Walæus in Doctissimo Tractatu, de
 Munere Ministrorum Ecclesiæ & Inspectione Magistratus circa il-
 lud, ut ita de Mente Reformatorum Catholica constet. Traducere
 autem illam Disciplinam ut Fœderatam est despuere ipsam Ecclesiæ
 indolem, quæ omnia sua ex compacto agere consuevit. Quod si illi
 gloriæ Theologi ad fructus quos peperit ille Erastianus Papatus,
 nempe illum Indifferentismum & Moris Libertinismum, ubi illud si
 Labet Licet, obtinet respexissent, sanè pudor illos cohibuisset. Ve-
 rùm & gloriæ & vindictæ cupido, cum nimirum quis offenditur sim-
 plicitate Ecclesiæ & in Ordinem Ecclesiasticum ultionem parat, hæc
 procudit Paradoxa. Quid autem, quæso, Ecclesiam juvat illa um-
 bratica Theologica, quæ novis indies *εὐρήματα* de *ἀφέναι* & *παρέναι*,
 de Moralitate & ceremonialitate Sabbathi ad scandalum usque Mi-
 norum & cæcorum qui inter nos habitant disputat, & S. Scripturam
 equuleo

equuleo imponit, rectum autem Theologiæ Scopum qui est Praxis & Reformatio Vitæ, insuper habet? Quid sodes, Ecclesiæ proderit disputare de Imperio Summarum Potestatum circa Sacra, cum Ecclesia absque illis florere potuit, & Nos cum veteribus Imperatorem colere queamus sed ut Deo Minorem etsi ab Ecclesia aversum imò ei Adversum. Imò audebo dicere, idq; annuente Ecclesiâ, ab illis utut magni Nominis Theologis, qui non profuturis & scandalosis ejuscemodi Quæstionibus de Natura & abrogatione Sabbathi, de jure Magistratus circa sacra, &c. contra receptam Ecclesiæ Praxin, juventutem ad SS. Ministerium præparant, non minimam cladem derivari, & in Ecclesiam Populosque fluere. Inde enim evenire solet, ut iis præoccupati & distenti ad Ministerium afferant ἐπίδες, διςοιχίας, & id genus animorum πᾶθη, quibus (quod tristis experientia comprobat) vel ἀνδρῶν πάρεσχοι fiunt, vel inter sese collisi Munus suum inutile reddunt & coram illis qui extra sunt, prostituunt. Scilicet hoc est Theologum agere, ut quæ unâ manu ædificas, alterâ destruas. Cui bono ex ambone ad Artis numeros loqui & ad instar Roscii in pegmate declamare, spretâ Apostolicâ simplicitate, & interea in Sacramentorû Administratione objicere margaritas porcis & τὰ ἄγρια canibus, quæ tantum τοῖς ἁγίοις debentur? Annon latius & pro conscientia tutius foret, silere, quàm cum philomela illa Phrygis nonnisi vocem sonare & Verbum à sua ἐνεργείᾳ destituere? Adeo de bene vivendo jam quæstio nulla movetur. Rectè Casaubonus Exercitat: 16. ad Annales Baronii: Circa lapsos disciplina fuit admodum severa & prorsus admiranda: cui revocandæ in usum operam impendisse, res futura sit Deo gratior absque dubio, quàm de fidei dogmatis subtiliter disputare extra scripturas, & omnes dissentientes ferro & flammâ persequi, in quo hodie summus pietatis apex ponitur. Quò igitur majori cum emphasi hæc Disciplina exerceatur, sit illa ἀπὸ σωπλήνης; Ne det veniam corvis, vexet censura columbas. Integritas enim Præfidentium est salus subditorum, bene inquit Concil. Tridentinum c. 1. de Reformatione. Et prout capite purgato, reliqua membra sese eò melius habent, ita verè dictum à Bernhardo ad Eugenium Papam:

*Epist. ad
Perron.*

Redde bonos Pastores & oves habebis meliores. Expendatur hîc Necessaria Relatio Gulielmi Teelingii, de pæsenti & calamitoso Ecclesiæ statû, saluberrimus sanè ad hoc ævum liber. Qui autem hîc difficiles erunt circa saxum devolvendum, iis suadeo, ut legant Cypriani (qui solus iudice Casaubono primitivæ Ecclesiæ πολίτεια & Disciplinam totam melius nos docuit, quàm multi alii, qui 4. sæculo vixerunt) Epistolam 3. ad Cornelium Fratrem, & erigentur. Concors modò sit animus, os & silentium, & res pulchrè procedet; juxta illud πολυβύλλιον: Et cessare pares, & respondere parati.

7. Frequentior Synaxis seu Commemoratio Mortis Domini, prout in Veteri Ecclesia fuit, ubi Sacramentorum Usus ferè jungebatur præconio verbi, & cottidie fermè celebrabatur sacrificium Eucharisticon & Commemorative Mortis Dominicæ, prout apud Augustinum, Chrysostomum &c. videre est. Quantus autem tunc zelus & devotio!

8. Melior Catechesis juxta morem catechizandi veterem, unde ordo Catechumenorum & Competentium, quò & referendum illud Exercitium Propheticum ex 1. Corinth. 14, cujus laudabile specimen videre est in ordine Ecclesiæ Belgicæ Ann. 1550. Londini sub Eduardo VI. à Martino Micronio, composito, ubi cap. 12. Modus Prophetiæ exponitur, ita ut singulis diebus Jovis post habitam Concionem ante cantionem Psalmi, Examen Concionis & aliorum casuum Conscientiæ coram totò cœtû fuerit habitum, summæ Ecclesiæ Ædificationi.

9. Cura Scholarum quâ publicarum quâ privatarum. Quantum ad illas, habendus erit delectus Professorum. Uti enim non omnia possumus omnes, & Naturæ sequitur semina quisque suæ: ita quoque non omnes idonei sunt tractandis omnibus. Prout igitur Medici illi qui excellere satagunt, Facultatem suam inter sese partiuntur, ita ut hic pro objecto habeat cor, alter oculum &c. ita, siquidem Excellentes habere velimus Theologos, Facultas quoque Theologica distribuenda erit, & cuilibet sua sparta assignanda, ita ut hic pro suo genio & ingenio vacet controversiis Judaicis, alius Pontificiis,
alius

alius Pelagianis, alius Praxi & Conscientiæ casibus. Cum primis alantur Professores Linguarum, quæ januæ sunt scientiarum, ne illarum rudis & ignara juvenus studia realia eò infeliciùs tractet: Quantum ad hasce, cum bases sint & seminaria Academiarum, non minor earum cura esse debet. Id probè vidit Ecclesia sequior & in ea societas *Ἰεσοφύμος*, quæ accuravit ut hæ Scholæ æque bene si non melius constituerentur ac illæ publicæ. Hinc harum Præfecti & Moderatores apud illos non minus litterati sunt quàm Doctores publici. Et quâ dexteritate iis præsent & adolescentiam exercent, multi nostrum testantur, qui idcirco, invidiâ etsi fremente ad Philistæos eunt, ut vomeres suos acuant. Exemplum igitur & studium Adversariorum nobis frigidam suffundere deberet. Adhæc cogitandum foret de Compendiosiori Didactica, ne ingenui Adolescentes ætatem in trivio consumere necessum habeant. Tandem sint utræque verè Reformatæ, id est, expurgatæ ab *ἀταξία* & *ἀσωτία* quæ hodie ceu pestis epidemica in iis grassatur, unde sæpe evenit quod est in vetere versu Cedo, qui vestram Rempublicam tantam animisistis tam citò? Proveniebant Oratores novi, stulti, adolescentuli. Et tamen hi illicet ordinantur ut *τύποι* Ecclesiæ, 1. Tim. 4. i pudor in villas.

10. Censura Librorum, ubi tum Censores constituendi, qui id curent, ne qui exeant jejuni, rixosi & scandalosi, ex quibus intestina dissidia & odia Fratrum acerrima oriri solent. Cum primis autem opera danda, ne qui libri Adversariorum irrefutati maneant, & cum triumpho volitent per ora virum, summo infirmorum scandalo. Semper enim accurandum, ne quid Ecclesia detrimenti capiat.

11. Cura & Instructio Bibliothæcarum, in quas inferenda rara quæque & non passim obvia monumenta, & quæ οἱ ἐκ ἐναντίας suppressa quàm impressa malint. Notus enim satis est corruptor stylus Adversariorum in castrandis libris sibi adversis. Et nî de novo imprimantur propudiosi illi libri: Conformitates & Vineæ Francisci, Stella Clericorum, Taxa Cancellariæ Romanæ &c. verendum, ut temporis omnia consummentis injuriâ, nostrum incuriâ, & Adver-

sariorum furtivâ nequitia, pereant. Quis enim non miratur maledictum illum Librum Prædicatorum Evangelii æterni nomine inscriptum, & mutando Evangelio Christi in melius scilicet, quod Evangelium Sancti Spiritus vocandum esset, fabricatum, qui Ann. 1255. prodiit, hodie non extare? additum fortè alibi in cryptis Monachorum istius ordinis. Non quidem hîc deerunt Marones, sint modò & faveant Mecænates. Utinam Ptolomæus aliquis exoriat, qui huic Bono procurando gazam superfluam impendat!

12. Versio Librorum in Linguas vernaculas, summo Ecclesiarum Bono. Quæ enim tam felix Regio, quæ felicissima omnia ingenia includat? quin sparsa illa, & Deo dispensante, sua cuique terræ velut gemmula, quæ illustret; fas mihi usurpare verba summi Literatoris J. Lipsii cent. 1. Epist. 22. Majus igitur illi subinde ferunt operæ pretium, qui interpretes sunt alieni operis, quàm (quod faciunt plures informes corniculæ) qui alienis se plumis exornant, ut bene alibi Hieronymus.

13. Inter postremas autem hæc sit non minima cura, ut Principes juventutis, & qui suo tempore Rerum clavo admovendi, bene & piè educantur. Nam uti ex ortû solis conjici solet, qualis futurus sit dies; ita ex Adolescentia & Educatione Principum, qualis futurus sit status Ecclesiæ & Reipublicæ. Hujus igitur gravissimæ curæ incuria est plerunque corrupti status & Ecclesiastici & Politici. Unde dolendum, Antistites Rerum Reformatos in Regimine suo, aliis non admodum meliores esse, & multum degenerare à Virtute Majorum suorum, qui in ipsis tenebris Papatus, laudabiliorem & æquiorē Recturam gessere, quam nunc Eorum successores faciunt, quod sanè in summum opprobrium Evangelii redundat, utpote cujus vi & virtute, nullus hominum Ordo in melius mutatur, uti Erasmus & alii ad Pseudo Evangelicos questu. Quin & indè non Principum solum sed & populorum Felicitas pendet. Ut enim syderum vis non intra agellum aut prædium privati alicujus coercetur, sed ad vastos terrarum tractus se exporrigit: sic Principum vitia aut Virtutes ad plures pertinent. Et ut integræ Provinciæ, integra Regna bonorum virtu-

Virtute foventur, sic eadem illa magnis peccandi Exemplis ceu pestilenti quodam afflatu velut siderantur. Unde sacra Pagina non sine gravi causa, non Populis, sed Regibus & Ducibus toties acceptum fert, quod illorum auspiciis vel Deo Israël fuerit litatum vel idolis gentilium. Adeo Rerum Principes Vim Inclinativam habent, ut si ferantur Zelô Dei vel amore Religionis, & Aula & Populus idem facere comperiantur; contrà si illi sint Indifferentes, & ad instar Gallionis sacra insuper habeant, & Affeclas eorum tales esse Experientia comprobet. Hinc qui illis plerumque à Mente & Manu sunt, deprehenduntur esse homines profani, alienis damnis adolescentes, & qui de cœlo, ut ille ait, scenam faciunt. Quo fonte derivata clades, In populos Patriamque fluxit. Adhibeantur igitur illis Ephori tales, quales erant Regum Ægyptiorum ex Persarum, qui non tantum sint periti Rerum naturalium & humanarum, sed etiam Divinarum. Unde si Plato rectè judicavit, tum demum beatas fore Respublicas, si Philosophi Eas regant, aut qui illas regunt, philosophentur, Nobis multò magis dicendum, tum beatas futuras, si Rex sit Anius, idem hominum Phœbique sacerdos, & quando Principes meminerint, se à Deo Ecclesiæ Nutritios datos esse, in oculis & animis semper gerentes Ideam illam Deut. 17. Regi Israël præscriptam. O quàm indicibiles fructus exinde in Ecclesiam & Rempublicam redundarent! Id Aulici illi Pastores accurarent quorum Vocatio si legitima cum ab Uno pendeat, onus tamen potius quàm honos esse debet & quidem grave, cum Eorum conscientia dirigendæ præsent, qui omnia regunt. Unde meritò illis imputanda bona vel mala quæ eveniunt. Nec abs re à Casuistis dictum: Paucos ex Confessariis Magnatum salvari. O si redeat Elias vel Baptista! Vel capite suam conscientiam redimerent, quam hi vestigalem habent. Sed ego Manum de Tabula cum de Diis etiam vera dicere periculosum sit, Institutum hocce de Propaganda Fide *ὡς ἐν τύπῳ* adumbrasse contentus, aliis nunc Lampada tradam.

Anna

Anna Maria à Schürman Epistolâ quadam ineditâ ad Reverendum Virum D. Johannem Arnoldi, Celsissimæ Principi Magdalenæ, Landgraviæ de Domo Hassiaca, Comitissæ Salmensi, à Sacris, inter alia ita scribit:

Non quod putem, S. Templi adificatoribus, unquam de manû depouenda esse arma, quibus Adversariorum vexationes ac ludibria avertant: sed quod maximam curam summamque diligentiam adhibendam existimem ad edificandam ac reficiendam Dei Domum, atque imprimis Sanctum Sanctorum. Si enim Vita nostra esset fulgor, & verba nostra essent tonitrua, nec tantum vi veritatis prosternerentur inimici: sed & illustri nostro exemplo lucrifient ii, quibus ad nostræ Religionis sacraria non patet aditus. O utinam, ut omnes & singuli quotquot non tantum Christianismi, sed etiam Reformatæ insuper Antiquitatis titulo, & quasi coronide gloriamur, memores, unde excidimus, juxta Mandatum Salvatoris nostri Apoc. 2. prisco illo avita virtutis Splendore exornaremus sanctissimam nostram Professionem, atque antecedentis seculi aurei, si cum nostro luteo simul, ac ferreo comparetur, imaginem redvivam, orbi restitueremus. Illius quidem Historicam Narrationem illustrem pollicetur illustris ille orthodoxæ Veritatis Antistes D. Hottingerus: verum quàm maximè optandum foret, ut nos quoque sequentis seculi scriptoribus, aut citius presentis temporis periodo parem heroica, id est Christiana Virtutis depradicanda exhiberemus materiam: Quod tamen nulla ratione sperandum, nisi mox vita ac morum in ipsa Reformatione elucescat Reformatio. Quis enim non videt nostram sensim magis ac magis degenerantem etatem, non quidem facile ad profundas illas ignorantia tenebras, aut vacuas ac fatuas observationes, quibus Romana Ecclesia ante nostram ab ea discessionem, tantum non obruebatur (illis enim obstat ingeniorum petulantia) sed ad illam ipsius Romæ prophanitatem, de qua illius Poeta cecinit: Omnia cum liceant, non licet esse piæ, brevi temporis intervallò relapsuram? Quis quæso, intuens universam illam, ut ita dicam, congeriem Reformatorem, quorum xñma maximè in omnium oculos incurrit, hanc esse conijciat illum populum Tit. 2. 14. περίεσιον ζήλωσιν καλῶν

τίς ἐπ' αὐτῶν; οὗτος τὸ πολίτευμα ἐν ἐπαύοις Philip. 3. 20. Quis credat illos
 à suo Rege tam sanctas, tam spirituales, tam divinas recepisse leges,
 & sacramenta, quibus se ultro ad summum illius amorem, reveren-
 tiam atque obedientiam ipsi prastandam obstrinxerunt? Quis inquam
 vel per somnium conieceret, ipsis Dei ac Domini sui gloriam unicum
 esse supremum omnium finem, ad quem omnia illorum cogitata, dicta,
 facta jugiter collineent, & cui suas delicias, opes, honores, propri-
 am vitam, imò salutem, cum Dei servus Mose & Paulo, postpo-
 nant? Quæ tamen ipsissima populi Dei & Christi Asseclarum ὑποπί-
 μαλα sunt, quibus inter alios tanquam φῶς ἡπὲς φαίνονται Phil. 2. 15.
 Non ignoro Ecclesiam nostram non solum esse in Mundo, sed & Mun-
 dum, hoc tempore prospero, in ipsam Ecclesiam irruisse; adeoque il-
 lius larvam hujus pulchritudinem obtexisse: sed & hoc neminem late-
 re potest fore, ut, nisi lux tandem è tenebris erumpat, Deus ipse
 hanc massam, è tam ἐτεροζήνῳ partibus quasi congelatam, in forna-
 cem tribulationum conijciat, ac dissolvat, Quæ enim Communio
 Lucis ac tenebrarum est? Novâ omnino separatione opus est, ubi
 spretis edictis Apostolicis ad Rom. 12. 2. & Ephes. 5. 11. ita huic sæculo
 conformamur, ac permiscemur, ut non tam in Mundo, quàm de
 Mundo esse videamur; ab illa scilicet communi rebellium turba re-
 cedendum, quæ Christum Regem factis abnegat, atque ipsius æternæ
 sapientia consilium omne rejecit: de qua ipsa conqueritur, atque illi
 omnia extrema minatur Proverb. 2. 15. Nam illud extra omne du-
 bium est, eaque gloria æterno illius Regno deferenda est, quod suos
 habeat fideles satellites ac subditos, quorum decus & honos, non ex
 numero, nimirum exiguo Matth. 20. 16. Sed ex fide atque obedi-
 entia aestimandus est, qui ab illa ipsa edocti, vim pati regnum cælo-
 rum, & βίαν αὐτῶν ἀπὸ στενῆς πόρτης, sub illius vexillo & ductu, certa-
 men illud Luc. 13. 24. cujus beneficio per angustam portam, datur
 introitus in viam illam τὴν στενὴν, qua ducit ad vitam, gene-
 rose inveniunt, seseque ad hujus Regum Regis exemplum, tanquam ad
 vivam, ac perfectissimam legem, omni studio componunt. Hic su-
 premum illud in omnibus Regnis Regnum est, cujus prima ac salu-
 tatis

taris maxima est & velut Lex Fundamentalis, εἰς κοίαν Θεοῦ
εἰς βασιλείαν.

O felices Reges ac Principes, qui hujus corona ac sceptro sua
subjiciunt, quia per hunc solum regnant. Proverb. 8. 15. Hic in
ipsis Ecclesiis Ecclesia est, quam sibi suo sanguine acquisivit atque
emit ipse Deus Act. 20. cujus membris omnibus lex, Lux est, Isra-
ël ille Dei Gal. 6. 16. ὁδοὶ καὶ νόμοι τῆς τοιαύτης σοφίας. Hæc illa Virgi-
num Nobilissima, Doctissima & Pientissima non minus eleganter
quàm verè.

F I N I S.



